



MØTEINNKALLING UNGDOMSRÅDET

Møtedato: 11.12.2019
Møtested: Formannskapssalen
Møtetid: 17.00 - 19.00

Eventuelle forfall / melding om møtande varamedlem må meldast på [møteportalen](#) eller til Ann Kristin Bolstad epost ann.kristin.bolstad@vaksdal.kommune.no

Ordfører Hege Eide Vik vil vera med på delar av møte.

SAKSLISTE

SAKSNR	TITTEL
01/2019	GODKJENNING AV INNKALLING OG SAKSLISTE
02/2019	VEDTEKTER FOR UNGDOMSRÅDET I VAKSDAL
03/2019	VAL AV LEIAR OG NESTLEIAR I UNGDOMSRÅDET I VAKSDAL 2020
04/2019	MØTEPLAN FOR UNGDOMSRÅDET I VAKSDAL VÅREN 2020
05/2019	BUDSJETT 2020 VAKSDAL KOMMUNE

4. desember 2019

Kommunalsjef Oppvekst Ann Kristin Bolstad



SAKSPAPIR

Saksnr	Utval	Type	Dato
01/2019	Ungdomsrådet	PS	11.12.2019

Sakshandsamar	Arkiv	ArkivsakID
Ann Kristin Bolstad	FE-033	19/1334

GODKJENNING AV INNKALLING OG SAKSLISTE

Rådmannen sitt framlegg til vedtak:

Innkalling og saksliste vert godkjent.



SAKSPAPIR

Saksnr	Utval	Type	Dato
02/2019	Ungdomsrådet	PS	11.12.2019

Sakshandsamar	Arkiv	ArkivsakID
Ann Kristin Bolstad		19/1335

VEDTEKTER FOR UNGDOMSRÅDET I VAKSDAL

Vedlegg:

Vedtekter for Ungdomsrådet i Vaksdal

Rådmannen sitt framlegg til vedtak:

Ungdomsrådet i Vaksdal tek opplæring i demokrati/vedtaksprosessar, og innføring i ungdomsrådet sin funksjon og saksgang til orientering

Saksopplysningar:

Ungdomsrådet i Vaksdal er eit demokratisk valt råd med oppgåve å ivareta interessene til ungdommane i kommunen.

I møte vil vi gå gjennom vedtektene til Ungdomsrådet i Vaksdal og har dialog om innhaldet.

Kontaktperson/kommunalsjef Ann Kristin Bolstad vil gje ein opplæring i demokratiet
Ungdomsrådet i Vaksdal er ein del av, og vedtaksprosessar.

Ordførar Hege Eide Vik vil i møte ha dialog med ungdomsrådet om samspelet mellom
ungdomsrådet
og kommunestyret/formannskapet.



Vedtekter for Ungdomsrådet i Vaksdal

§ 1 Mandat, føremål og oppgaver

§ 1.1 Ungdomsrådet i Vaksdal er eit demokratisk valt råd med oppgåve å ivareta interessene til ungdommane i kommunen

§ 1.2 Føremål

- Å ta opp til drøfting born og unge sine interesser i kommunen
- Å vera orientert om alle saker i kommunen, gjennom å få tilsendt saksdokument
- Å vera råd for kommunen i saker som vedkjem dei unge
- Setje søkelyset på å skapa identitet til eigen kommune
- Stimulera til samfunnsengasjement, medbestemming og deltaking blant unge
- Leggja til rette for at ungdom generelt i kommunen får uttale seg om saker

§ 1.3 Ungdomsrådet i Vaksdal sine oppgaver er blant anna

- Å fordela midlar til tiltak av interesse for ungdom
- Å styrka det samfunnsmessige engasjementet blant born og unge
- Å skapa møteplassar for ungdom
- Skapa forum der unge generelt kan uttala seg

§ 2 Funksjonstid og samansetjing

§ 2.1 Valperiode

- Ungdomsrådet vert valt for eitt kalenderår, sjå likevel § 2.2
- Nyval innan 1. desember, jf. § 6

§ 2.2 Samansetjing

- Til ungdomsrådet skal det veljast representantar i alderen 13 til 19 år (kan ikkje vera fylt 19 år på valtidspunktet)
- Talet på representantar skal vera 7
- Det skal veljast ein representant frå Vaksdal, ein frå Stanghelle, ein frå Dale, ein frå Stamnes og ein frå Eidslandet/Eksingedalen. Desse vert valt for to år om gongen. Det vert såleis val kvar november, kor ein anten vel 2 eller 3 nye representantar. Ved første valet vert representantane frå Stanghelle og Stamnes valt kun for eitt år, slik at den tilsikta overlappinga vert mogeleg
- Elevrådet ved ungdomssteget på Dale barne- og ungdomsskule skal ha to representantar i ungdomsrådet. Desse vert valt for eitt år om gongen
- Ungdomsrådet står fritt til å oppnemna personar til arbeidsgrupper ved arrangement og andre aktivitetar for ungdom. Her må minst ein representant frå ungdomsrådet vera med

§ 2.3 *Konstituering*

Ungdomsrådet konstituera seg sjølve, det vil seie at leiar og nestleiar vert valde av dei unge. Kasserar/sækretæfunksjon vert lagt til den vaksne kontaktpersonen frå kommuneadministrasjonen.

§ 2.4 *Talerett*

- Leiar eller to representantar frå ungdomsrådet kan få talerett i formannskap og kommunestyre
- Ordførar, rådmann, kontaktperson og ungdomsarbeidar har møte-, tale- og forslagsrett på møta i ungdomsrådet

§ 3 **Kontaktperson**

§ 3.1 Kommuneadministrasjonen peikar ut ein administrativ kontaktperson

§ 3.2 *Kontaktpersonen sine oppgåver er:*

- Hjelpa ungdomsrådet med å etablera naudsynt kontaktnett med kommuneadministrasjonen
- Syta for at saksdokument i aktuelle saker (som vedkjem ungdomsrådet) som kommunestyret arbeider med vert sendt til medlemmane i ungdomsrådet minst ei veke før møte i ungdomsrådet
- Hjelpa til ved val
- Ha ansvar for kontinuiteten i ungdomsrådet
- Ha ansvar for opplæring, jf. § 6

§ 4 **Møteverksemd**

§ 4.1 *Møte*

Ungdomsrådet bør ha to opne møter pr. år der alle ungdommar i kommunen har tilgjenge. I tillegg bør ungdomsrådet ha møte annakvar månad. Elles kan rådet ha møter etter behov.

§ 4.2 *Referat*

Det skal førast referat over ungdomsrådet sine møte. Den vaksne kontaktpersonen skriv dette.

§ 4.3 *Sakskunnskap*

Ungdomsrådet kan invitera politikarar og administrasjonen til rådsmøta for å få orientering, stilla spørsmål eller diskutera ei sak.

Ungdomsrådet i Vaksdal skal ikkje handsama saker der heile eller delar av saksframlegget er verna av teieplikt.

§ 4.4 *Møteplan*

Ungdomsrådet skal i samråd med sin kontaktperson setje opp sin eigen møteplan for kvart halvår. Denne skal sendast til ordførar, rådmann og ungdomsarbeidar.

§ 5 Dagsorden

1. Opning
2. Godkjenning av innkalling
3. Godkjenning av dagsorden
4. Statusrapport økonomi
5. Handsaming av sakslista
6. Ymse

Årsmelding og rekneskap skal liggja føre og godkjennast på siste møte i året. Arbeidsliste med saker til oppfølging for neste år skal leggjast ved protokollen.

§ 6 Val og opplæring

§ 6.1 Val

Val av representantar til ungdomsrådet skal skje på skulenivå eller på ungdomsklubbane innan 1. desember.

§ 6.2 Opplæring

Opplæring i demokrati/vedtaksprosessar, og innføring i ungdomsrådet sin funksjon og saksgang skal skje i regi av kommuneadministrasjonen innan 1. januar.

§ 7 Evaluering av vedtektene

Vedtektene skal takast opp til vurdering av ungdomsrådet minst annakvart år, med fyrste vurdering mot slutten av fyrste periode, og godkjennast av kommunestyret.



SAKSPAPIR

Saksnr	Utval	Type	Dato
03/2019	Ungdomsrådet	PS	11.12.2019

Sakshandsamar	Arkiv	ArkivsakID
Ann Kristin Bolstad		19/1335

VAL AV LEIAR OG NESTLEIAR I UNGDOMSRÅDET I VAKSDAL 2020

Rådmannen sitt framlegg til vedtak:

Ungdomsrådet i Vaksdal har valt følgjande leiar og nestleiar for 2020:

Leiar:

Nestleiar

Saksopplysningar:

Ungdomsrådet skal i følgje vedtektene for Ungdomsrådet i Vaksdal konstituera seg sjølv, jf. § 2.3.

§ 2.3 Konstituering

Ungdomsrådet konstituera seg sjølve, det vil seie at leiar og nestleiar vert valgt av dei unge. Kasserar/sækretæfunksjon vert lagt til den vaksne kontaktpersonen frå kommuneadministrasjonen.

Alle som er valt inn i ungdomsrådet i Vaksdal kan stille til val som leiar og nestleiar. I 2020 er det desse representantane som kan veljast:

- May Kristin Lødtvedt Larsen
- Emma Bolstad Farestveit
- Nathalia Angelica Mo Lilletvedt
- Ina Pettersen
- Vegard Gullbrå Tollefsen
- Regine Kydland
- Ingeborg Straume Audestad

Valet vert gjennomført i møte.



SAKSPAPIR

Saksnr	Utval	Type	Dato
04/2019	Ungdomsrådet	PS	11.12.2019

Sakshandsamar	Arkiv	ArkivsakID
Ann Kristin Bolstad		19/1335

MØTEPLAN FOR UNGDOMSRÅDET I VAKSDAL VÅREN 2020

Rådmannen sitt framlegg til vedtak:

Ungdomsrådet i Vaksdal skal ha møte følgjande dagar våren 2020:

- 5. februar 2020
- 25. mars 2020
- 10. juni 2020

Saksopplysningar:

Ungdomsrådet skal i følgje vedtektene for Ungdomsrådet i Vaksdal setje opp sin eigen møteplan for kvart halvår, jf. § 4.4.

§ 4.4 Møteplan

Ungdomsrådet skal i samråd med sin kontaktperson setje opp sin eigen møteplan for kvart halvår. Denne skal sendast til ordførar, rådmann og ungdomsrabeidar

Møtedag og møtetidspunkt må ta høgd for når det er best for medlemmane å møta.

Møtetidspunkt bør leggjast slik at det er høve til å ta tog eller buss til og frå møta.

Møteplanen for våren må òg ta høgd for ev. eksamensdagar som medlemmane skal ha.



SAKSPAPIR

Saksnr	Utval	Type	Dato
82/2019	Formannskap/plan- og økonomiutvalet	PS	25.11.2019
12/2019	Administrasjonsutvalet	PS	02.12.2019
28/2019	Eldrerådet	PS	05.12.2019
05/2019	Ungdomsrådet	PS	11.12.2019
20/2019	Råd for menneske med nedsett funksjonsevne	PS	05.12.2019
	Arbeidsmiljøutvalet	PS	
92/2019	Kommunestyret	PS	16.12.2019

Sakshandsamar	Arkiv	ArkivsakID
Kenneth Stokke	FE-151	18/1034

BUDSJETT 2020 VAKSDAL KOMMUNE

Vedlegg:

Rådmann sitt framlegg til budsjett 2020
Gebyr plan og bygningslova 2020
Gebyrregulativ for vass- og avlupstenestene i Vaksdal kommune i 2020
Momentum Budsjettnotat - Vaksdal kommune 2020
Budsjettforslag 2020 KUV Vaksdal kommune
SØKNAD OM LØYVINGAR VAKSDAL KYRKJELEGE FELLESRÅD 2020
Legevakt Budsjettframlegg 2020

Rådmannen sitt framlegg til vedtak:

1. Kommunestyret godkjenner årsbudsjett 2020 for Vaksdal kommune slik det ligg føre med spesifikasjon av drifts- og investeringsbudsjett. Rådmannen får fullmakt til å fordele nettoramma innafor tenesteområda, og kan gjere budsjettendringar innafor områda som ein del av den løpande drifta som ikkje er av prinsipiell karakter.
2. Skatt på inntekt og formue vert skriven ut etter dei til kvar tid gjeldande reglar.
3. I medhald av eigedomsskattelova § 2 og §3a vert det skrive ut eigedomsskatt på faste eigedomar i heile kommunen i 2020. Alminneleg eigedomsskattesats vert sett til 7 promille i 2020 med unntak av eigedomsskatt for bustad- og fritidseigedomar som vert sett til 3,2 promille. For kraftanlegg vert § 8B i eigedomsskattelova lagt til grunn. For eigedom eigd av stiftingar og institusjonar med allmennnyttig formål, som er ført opp på eigedomsskattekontoret si liste av 26.02.2010, vert det i medhald av § 7a gjeve fritak for eigedomsskatt. Fritak vert gjeve i 10 år for nye bygningar som heilt eller delvis vert nytta til husvære jf §7c. Eigedomsskatten for 2019 forfell til betaling i 4 terminer saman med kommunaleavgifter.

4. Kommunestyret godkjenner ei investeringsramme på kr 144.000.000,-. Rådmann får fullmakt til å oppta nye lån innafor ei total låneramme på kr 100.110.000,-. I tillegg får rådmann fullmakt til låneopptak i Husbanken av kr 2.000.000,- til vidare utlån av formidlingslån. Alle lån i kommunen sin låneportefølje kan refinansierast i budsjettåret 2020. Rådmannen har i samsvar med finansreglementet fullmakt til å godkjenne mogeleg refinansiering av låna og lånevilkåra.
5. Rådmann får fullmakt til å redigere, rette feil og innarbeide kommunestyret sine vedtekne framlegg. Ajourført budsjettdokument vert lagt fram for Formannskapet.
6. Gebyr og betalingssatsar etter «Vedlegg – betalingssatsar 2020» vert godkjent. Nye betalingssatsar og avgifter vert gjort gjeldande frå 01.01.2020, med mindre lov eller forskrift set andre fristar.
7. Lokal forskrift om gebyr for sakshandsaming vert vedtatt med heimel i plan- og bygningslova § 33-1, matrikkelova § 32, eigarseksjonslova §§ 7, 14 og 15, ureiningslova § 52a, hamne og farvasslova §§ 6 og 25 samt forvaltningslova § 27a jf forskrift om gebyr for handsaming av konsesjonssaker. Forskrifta ligg som vedlegg til Årsbudsjett 2020 og vert å kunngjere lokalt.
8. Feie- og tilsynsgebyr for 2020 vert fastsett med heimel i lov av 14.juni 2002 nr. 20 om Brannvern, § 28.
9. Vass- og avlaupsgebyr for 2020 vert fastsett med heimel i Lov om kommunale vass- og avlaupsanlegg (§3), Forskrift om begrensning av forureining (§16) og Forskrift om vass- og avlaupsgebyr i Vaksdal kommune.
10. Slamtømmegebyr for 2020 vert vedteke i medhald av Forureiningslova §26.
11. Fastsetjing av eigenandeler for 2020 for kommunale helse og omsorgstenester i og utanfor institusjon vert fastsett i samsvar med Forskrift om egenandel for kommunale helse- og omsorgstjenester. Rådmannen får fullmakt til å gjera unntak frå satsane når særlege tilhøve gjer seg gjeldande.

Formannskap/plan- og økonomiutvalet - Sak 82/2019

FPØ - Behandling:

Hege Eide Vik (SP) la fram endringsforslag frå SP, SV og Høgre:

"Eit budsjett for dei yngste og eldste i kommunen vår.

Sp, SV og Høgre gjer kva vi lova i valkampen. Helse og omsorg og oppvekst vert prioritert i vårt første fellesforslag. Budsjettforslaget gjeldande helse og omsorg må og sjåast i samanheng med gjennomgangen av organisasjonen og helse og omsorg som er tinga av kommunestyret.

Det er likevel funne rom til å styrke budsjettet med 3 millionar kroner, mellom anna til heimetenestene. Kjøkkenmedarbeidar på Vaksdal sjukeheim vert auka tilbake til 100 % stilling og prosjekt for å få ned bruk av private vikarbyrå vert prøvd sommaren 2020

For dei yngste ønskjer partia å styrke skulehelsetenesta og lærartettleik. I tillegg vert miljøarbeidar stillinga auka til 100 %

Alle arrangement for born og unge 0-18 år slepp frå 2020 å betale husleige i kommunale bygg.

Det har dei siste åra vore stort fokus på nybygg i kommunen vår, og dette vil i dei næraste to åra fortsette, mellom anna med ny skule på Vaksdal med oppstart juni 2020. Likevel vil ein i sterkare grad snu fokus over på drift og korleis tenestene våre skal bli betre.

Den største utfordringa for Vaksdal kommune i dag er at innbyggjartalet går ned. Utval for bygdeutvikling er tenkt ei viktig rolle i arbeidet med å snu dette. Fokus på tilflytting, næringsutvikling og areal, men og at det skal vere godt og bu i heile kommunen vår.

Endringsforslag budsjett for Vaksdal kommune 2020

Inntekter		
Bruk av disposisjonsfond	2,2 mill. kroner	1,9 mill. til drift, 0,3 mill. auka rentekostnader investeringar.
Avkastning aksjar/obligasjonar	1,0 mill. kroner	
Driftsfinansierte investeringar/ disposisjonsfond	5,2 mill. kroner	Reduksjon frå 10,2 mill. til 5,0 mill. kroner
Reduksjon vikarbyrå	0,5 mill. kroner	Bruk hittil i 2019 3,6 mill. kroner
Reduksjon fellesområde økonomi	0,4 mill. kroner	
Samla:	9,3 mill. kroner	
Utgifter/endra ramme	Drift	
Oppvekst	- 2,2 mill. kroner	Lønns og prisvekst 2019-2020 på 3.1 % + 0,7 mill. kroner. (Ein stilling)
Miljøarbeidar auka stilling (Born og unge)	- 0,3 mill. kroner	Frå 50 % til 100 % stilling
Helsestasjon	- 0,7 mill. kroner	Ny 100 % stilling – styrka skulehelsetenes ta
NAV	- 0,2 mill. kroner	Barnetrygd ikkje del av berekningsgrunnlag sosialhjelp
Pleie og omsorg		
Auka ramme, styrka heimeteneste, styrka ergoterapi/rehabilitering.	- 3 mill. kroner	
Styrka		
Kjøkkenmedarbeidar Vaksdal sjukeheim	- 0,3 mill. kroner	Auke frå 50 % til 100 % stilling frå 01.01.2020
Bonusordning for alle tilsette	- 0,2 mill. kroner	Prøveordning 01.06.20

i pleie og omsorg, prøveordning		– 01.09.20 Reduksjon bruk av private vikarbyrå.
Prosjektstilling, årsturnus, bemanning og vikarar	- 0,7 mill. kroner	Sak til kommunestyret våren 2020
Rapport, gjennomgang av Helse og omsorg og organisasjon 2020	- 0,5 mill. kroner	Vedtak kommunestyret PS 74/19
Utval for bygdeutvikling	- 0,5 mill. kroner	Sak til kommunestyret våren 2020
Meiropen kommune	- 0,1 mill. kroner	Sak til kommunestyret våren 2020
Kommunestyret	- 0,115 mill. kroner	Stønad til kjøp av digitalt verktøy representantar. Eingongssum ny valperiode. Kommunestyret og kontrollutvalet (23 personar)
Etablerartilskot	- 0,100 mill. kroner	Auke til 25 000,- for kvar
Reduksjon leigesatsar kommunale bygg	- 0,2 mill. kroner	Målsetting: Gratis leige for menneske med nedsett funksjonsevne, seniortiltak og born og unge 0 – 18 år
Diverse tilskot:	-	
Næringsselskapet	- 50 000 kroner	Kursmidlar til næringsdrivande i Vaksdal. Kompetansebygging i lokale bedrifter.
Syngjande kommune	- 70 000 kroner	Driftsmidlar vidare
Daledagane	- 15 000 kroner	Auke
Vintertreffet	- 50 000 kroner	Ekstra i høve 20 års jubileet.
Vaksdal internasjonale kvinnegruppe	- 5 000 kroner	Ny
Samla:	- 9,3 mill. kroner	

Investeringar.

Sal av båtplassar Stanghelle	1,0 mill. kroner	
Overføring til investeringsfond		1,0 mill. kroner

Tekstforslag:

Samfunnsutvikling.

Eventuell tilsetting einingsleiar samfunnsutvikling må sjåast i samanheng med organisasjonsgjennomgang vedteke i kommunestyret PS 74/19

Bonusordning for alle tilsette i pleie og omsorg, prøveordning

Avtale mellom Vaksdal kommune og tilsette sine organisasjonar. Kommunestyret ber om å få dette tilbake som sak innan 01.03.2020.

Vaksdal næringssselskap. (VNS)

Vert i 2020 flytta til eigna kontor på heradshuset og noverande leigeavtale for lokaler vert sagt opp.

Årsturnus.

Kommunestyret ønskjer at det vert innført årsturnus i Vaksdal kommune. Kommunestyret ber administrasjonen arbeide saman med arbeidstakarorganisasjonane med dette som mål.

Kommunestyret ser årsturnus som viktig for å nå målet om å byggja ein heiltidskultur."

Boris Groth (FRP) la fram tilleggsforslag frå FRP:

"-NÆRINGSPLAN:

-Rådmannen får i oppdrag å sette i gang ny rullering av næringsplan for Vaksdal kommune innan fyrste halvår 2020.

-UNGDOMSPPLAN:

-Rådmannen får i oppdrag å sette i gang ny rullering av gjeldande ungdomsplan for Vaksdal kommune innan fyrste halvår 2020."

Thor Andersen (AP) la fram endringsforslag frå AP:

Endringsframlegg driftsbudsjett 2020

DRIFSTBUDSJETT 2020:

Ap foreslår styrking av driftsbudsjettet på følgende områder.

Styrking av pleie i helse og omsorg	1,700 mill
Styrking av undervisningen for skolene	1,300 mill
Reduksjon av leiesatsene i kommunale bygg for frivillige	
Jf. tinginga fra kommunestyret om gjennomgang	0,300 mill
Tilpassing av åpningstidene i barnehagene /styrking	0,250 mill
Gratis barnehageplass til barn av studenter	
og andre i heiltidsutdanning	0,150 mill
Reduksjon av prisene i SFO	0,400 mill

TIL STYRKING AV DRIFTSBUDSJETTET

4,100 mill

Styrkingen av driftsbudsjettet finansieres gjennom gevinsten for konsesjonskraftgevinst på 12,3 mil. jf reglement for disponering av konsesjonskraftgevinsten.

Ber om at løyvde midler over driftsbudsjettet i 2019 øremerket til arbeid med vikarordning på 1,400 mill. blir brukt til formålet eller forskjøvet til 2020.

Innvesterings- /kapitalbudsjett 2020

Ap foreslår å sette av 500.000,- til trafikkisikring Dale; Dalseidvegen, vei fra Dalevegen, Sandlivegen til Kalvakroken og Hestavollen.

Løyving på 500.000 til prosjektering Geitabakken inn i økonomiplanen for 2021-2024.

Prosjekteringsmidler løyvd for budsjettåret 2018 1.5 mil til arbeid for ny barnehage på Dale. Ber om at løyvde midler brukt til dette arbeidet i 2020.

Ap forslag til vedtak med videreføringer av tidligere budsjettvedtak

1. *Vaksdal kommune skal ikke nytte seg av Arbeidsmiljølovens åpning for midlertidig ansettelse, men ansette fast.*
2. *Ingen skal sies opp som følge av omstillinger/ nedbemanning i 2020.*
3. *Heltidskultur. Arbeidet med heltidskultur og årsturnus skal intensiveres i 2020*
4. *Formannskapet skal informeres om arbeidet med heltidskultur og sykefraværet i hvert møtet i 2020.*
5. *Kommunestyret ber om en gjennomgang av utleiesatsene av kommunale bygg til lag og organisasjoner jf vedtak for 2019.*
6. *Kommunestyret ber om en gjennomgang av betalingssatser for tjenester i helse og omsorg."*

Heidi Rongved (AP) trakk punkt 3 i forslag til vedtak med videreføringar av tidlegare budsjettvedtak, slik at rekkefølga vart endra til:

Ap sitt forslag til vedtak med videreføringer av tidligere budsjettvedtak

1. *Vaksdal kommune skal ikke nytte seg av Arbeidsmiljølovens åpning for midlertidig ansettelse, men ansette fast.*
2. *Ingen skal sies opp som følge av omstillinger/ nedbemanning i 2020.*
3. *Formannskapet skal informeres om arbeidet med heltidskultur og sykefraværet i hvert møtet i 2020.*
4. *Kommunestyret ber om en gjennomgang av utleiesatsene av kommunale bygg til lag og organisasjoner jf vedtak for 2019.*
5. *Kommunestyret ber om en gjennomgang av betalingssatser for tjenester i helse og omsorg.*

Røysting

Rådmannen sitt framlegg til vedtak vart lagt til grunn og samrøystes vedteke.

Endringsframlegg frå Arbeidarpartiet vert sett opp mot endringsforslaget frå SV, SP og Høgre
Endringsforslaget frå SP,SV og Høgre fekk 5 stemmer (SP,SV, H og FRP)

Endringsforslaget frå AP fekk 2 stemmer (AP) og falt.

Det var deretter punktvis røysta over tekstforslaga til SV,SP og Høgre.

Samfunnsutvikling.

Vart samrøystes vedteke

Bonusordning for alle tilsette i pleie og omsorg, prøveordning.

Vart samrøystes vedteke

Vaksdal næringssselskap (VNS)

Vart samrøystes vedteke

Årsturnus

Vart samrøystes vedteke

Det vart deretter punktvis røysta over AP sitt forslag til vedtak med vidareføringar av tidlegare budsjettvedtak.

Punkt 1 - Fast tilsetjing

Vart vedteke med 4 (AP, SP og SV) mot 3 stemmer (H og FRP)

Punkt 2 - Krav ved omstillingar/nedbemanning

Vart vedteke med 4 (AP, SP og SV) mot 3 stemmer (H og FRP)

Punkt 3 - Informasjon om heiltidskultur og sjukefråvær

Vart samrøystes vedteke

Punkt 4 - Gjennomgang utleiesatsar

Vart samrøystes vedteke

Punkt 5 - Gjennomgang betalingssatsar

Vart samrøystes vedteke

Til slutt vart det røysta over Boris Groth (FRP) sitt tilleggsslag om næringsplan og ungdomsplan.

Tilleggsslaget vart vedteke med 5 (FRP, H, SV og SP) mot 2 (AP) stemmer.

FPØ - Tilråding/Vedtak:

1. Kommunestyret godkjenner årsbudsjett 2020 for Vaksdal kommune slik det ligg føre med spesifikasjon av drifts- og investeringsbudsjett. Rådmannen får fullmakt til å fordele nettoramma innafor tenesteområda, og kan gjere budsjettendringar innafor områda som ein del av den løpande drifta som ikkje er av prinsipiell karakter.

2. Skatt på inntekt og formue vert skriven ut etter dei til kvar tid gjeldande reglar.

3. I medhald av eigedomsskattelova § 2 og §3a vert det skrive ut eigedomsskatt på faste eigedomar i heile kommunen i 2020. Alminneleg eigedomsskattesats vert sett til 7 promille i 2020 med unntak av eigedomsskatt for bustad- og fritidseigedomar som vert sett til 3,2 promille. For kraftanlegg vert § 8B i eigedomsskattelova lagt til grunn. For eigedom eigd av stiftingar og institusjonar med allmennyttig formål, som er ført opp på eigedomsskattekontoret si liste av 26.02.2010, vert det i medhald av § 7a gjeve fritak for eigedomsskatt. Fritak vert gjeve i 10 år for nye bygningar som heilt eller delvis vert nytta til husvære jf §7c. Eigedomsskatten for 2019 forfell til betaling i 4 terminer saman med kommunaleavgifter.

4. Kommunestyret godkjenner ei investeringsramme på kr 144.000.000,-. Rådmann får fullmakt til å oppta nye lån innafor ei total låneramme på kr 100.110.000,-. I tillegg får rådmann fullmakt til låneopptak i Husbanken av kr 2.000.000,- til vidare utlån av formidlingslån. Alle lån i kommunen sin låneportefølje kan refinansierast i budsjettåret 2020. Rådmannen har i samsvar med finansreglementet fullmakt til å godkjenne mogeleg refinansiering av låna og lånevilkåra.

5. Rådmann får fullmakt til å redigere, rette feil og innarbeide kommunestyret sine vedtekne framlegg. Ajourført budsjetttdokument vert lagt fram for Formannskapet.

6. Gebyr og betalingssatsar etter «Vedlegg – betalingssatsar 2020» vert godkjent. Nye betalingssatsar og avgifter vert gjort gjeldande frå 01.01.2020, med mindre lov eller forskrift set andre fristar.

7. Lokal forskrift om gebyr for sakshandsaming vert vedtatt med heimel i plan- og bygningslova § 33-1, matrikkelova § 32, eigarseksjonslova §§ 7, 14 og 15, ureiningslova § 52a, hamne og farvasslova §§ 6 og 25 samt forvaltningslova § 27a jf forskrift om gebyr for handsaming av konsesjonssaker. Forskrifta ligg som vedlegg til Årsbudsjett 2020 og vert å kunngjere lokalt.

8. Feie- og tilsynsgebyr for 2020 vert fastsett med heimel i lov av 14.juni 2002 nr. 20 om Brannvern, § 28.

9. Vass- og avlaupsgebyr for 2020 vert fastsett med heimel i Lov om kommunale vass- og avlaupsanlegg (§3), Forskrift om begrensning av forureining (§16) og Forskrift om vass- og avlaupsgebyr i Vaksdal kommune.

10. Slamtømmegebyr for 2020 vert vedteke i medhald av Forureiningslova §26.

11. Fastsetjing av eigenandeler for 2020 for kommunale helse og omsorgstenester i og utanfor institusjon vert fastsett i samsvar med Forskrift om egenandel for kommunale helse- og omsorgstenester. Rådmannen får fullmakt til å gjera unntak frå satsane når særlege tilhøve gjer seg gjeldande.

Vedteke endringsforslag for budsjett for Vaksdal kommune 2020:

Inntekter		
Bruk av disposisjonsfond	2,2 mill. kroner	1,9 mill. til drift, 0,3 mill. auka rentekostnader investeringar.
Avkastning aksjar/obligasjonar	1,0 mill. kroner	
Driftsfinansierte investeringar/ disposisjonsfond	5,2 mill. kroner	Reduksjon frå 10,2 mill. til 5,0 mill. kroner
Reduksjon vikarbyrå	0,5 mill. kroner	Bruk hittil i 2019 3,6 mill. kroner
Reduksjon fellesområde økonomi	0,4 mill. kroner	
Samla:	9,3 mill. kroner	
Utgifter/endra ramme	Drift	
Oppvekst	- 2,2 mill. kroner	Lønns og prisvekst 2019-2020 på 3.1 % + 0,7 mill. kroner. (Ein stilling)
Miljøarbeidar auka stilling (Born og unge)	- 0,3 mill. kroner	Frå 50 % til 100 % stilling
Helsestasjon	- 0,7 mill. kroner	Ny 100 % stilling – styrka skulehelsetenesta
NAV	- 0,2 mill. kroner	Barnetrygd ikkje del av berekningsgrunnlag sosialhjelp
Pleie og omsorg		
Auka ramme, styrka heimeteneste, styrka ergoterapi/rehabilitering.	- 3 mill. kroner	

Styrka		
Kjøkkenmedarbeidar Vaksdal sjukeheim	- 0,3 mill. kroner	Auke frå 50 % til 100 % stilling frå 01.01.2020
Bonusordning for alle tilsette i pleie og omsorg, prøveordning	- 0,2 mill. kroner	Prøveordning 01.06.20 – 01.09.20 Reduksjon bruk av private vikarbyrå.
Prosjektstilling, årsturnus, bemanning og vikarar	- 0,7 mill. kroner	Sak til kommunestyret våren 2020
Rapport, gjennomgang av Helse og omsorg og organisasjon 2020	- 0,5 mill. kroner	Vedtak kommunestyret PS 74/19
Utval for bygdeutvikling	- 0,5 mill. kroner	Sak til kommunestyret våren 2020
Meiropen kommune	- 0,1 mill. kroner	Sak til kommunestyret våren 2020
Kommunestyret	- 0,115 mill. kroner	Stønad til kjøp av digitalt verktøy representantar. Eingongssum ny valperiode. Kommunestyret og kontrollutvalet (23 personar)
Etablerartilskot	- 0,100 mill. kroner	Auke til 25 000,- for kvar
Reduksjon leigesatsar kommunale bygg	- 0,2 mill. kroner	Målsetting: Gratis leige for menneske med nedsett funksjonsevne, seniortiltak og born og unge 0 – 18 år
Diverse tilskot:	-	
Næringsselskapet	- 50 000 kroner	Kursmidlar til næringsdrivande i Vaksdal. Kompetansebygging i lokale bedrifter.
Syngjande kommune	- 70 000 kroner	Driftsmidlar vidare
Daledagane	- 15 000 kroner	Auke
Vintertreffet	- 50 000 kroner	Ekstra i høve 20 års jubileet.
Vaksdal internasjonale kvinnegruppe	- 5 000 kroner	Ny
Samla:	- 9,3 mill. kroner	

Investeringar.

Sal av båtplassar Stanghelle	1,0 mill. kroner	
Overføring til		1,0 mill. kroner

Tekstforslag:**Samfunnsutvikling.**

Eventuell tilsetning einingsleiar samfunnsutvikling må sjåast i
samanheng med organisasjonsgjennomgang vedteke i kommunestyret
PS 74/19

Bonusordning for alle tilsette i pleie og omsorg, prøveordning

Avtale mellom Vaksdal kommune og tilsette sine organisasjonar. Kommunestyret ber om å
få dette tilbake som sak innan 01.03.2020.

Vaksdal næringsselskap. (VNS)

Vert i 2020 flytta til eigna kontor på heradshuset og noverande leigeavtale for lokaler vert sagt
opp.

Årsturnus.

Kommunestyret ønskjer at det vert innført årsturnus i Vaksdal kommune.
Kommunestyret ber administrasjonen arbeide saman med
arbeidstakarorganisasjonane med dette som mål.

Kommunestyret ser årsturnus som viktig for å nå målet om å byggja ein heiltidskultur.

Videreføringar av tidlegare budsjettvedtak:

1. Vaksdal kommune skal ikke nytte seg av Arbeidsmiljølovens åpning for midlertidig ansettelse, men ansette fast.
2. Ingen skal sies opp som følge av omstillinger/ nedbemanning i 2020.
3. Formannskapet skal informeres om arbeidet med heltidskultur og sykefraværet i hvert møtet i 2020.
4. Kommunestyret ber om en gjennomgang av utleiesatsene av kommunale bygg til lag og organisasjoner jf vedtak for 2019.
5. Kommunestyret ber om en gjennomgang av betalingssatser for tjenester i helse og omsorg.

Saksopplysningar:**Bakgrunn for saka**

Budsjett 2020 vert lagt fram i samsvar med Kommuneleova §46 og «Forskrift om årsbudsjett (for kommuner og fylkeskommuner)» og Ny kommunelov §14.

Ved utarbeiding av Budsjett 2020 er det lagt til grunn: ·

- Statsbudsjettet for 2020 (rammer/føringar)
- Handlingsprogram og økonomiplan for 2020 -2023
- Andre politiske vedtak/føringar
- Rekneskap
- KOSTRA-tal
- Kommunebarometeret

- Andre saker

Budsjettet vart presentert for kommunestyret 04.11.2019 og er gjennomgått nærare i budsjettseminar for formannskap-plan og økonomiutval 11.og 12.november 2019.

Budsjettframlegget bygger på ei vurdering av inntekter og kostnader for kommunen ut frå framlegg til statsbudsjett for 2020, samt eigne inntekter frå eigedomsskatt, frå vasskraft og andre inntekter. Eventuelle endringar når Statsbudsjettet er vedtatt vert å legge fram i samband med 1.tertial 2020.

Finansiering av investeringsbudsjett er synleggjort gjennom låneopptak, overføring frå drift og mvakompensasjon. Renter og avdrag knytt til eksisterande og nye låneopptak er tatt inn i driftsbudsjettet.

Budsjettskjema er sett opp i samsvar med forskrifta. Skjema som ligg ved i budsjettdokumentet er i samsvar med «Forskrift om årsbudsjett (for kommuner og fylkeskommuner)».

Betalingssatsar og gebyrregulativ er lagt ved dokumentet.

Kontrollutvalet sitt framlegg til budsjett er innarbeidd i Årsbudsjett 2020 og er lagt ved saka.

Kyrkjeleg Fellesråd sin søknad om løyving for 2020 ligg ved. Tilskot i 2020 er vidareført på same nivå som tidlegare i samsvar med økonomiplanen.

Budsjettframlegg frå Voss Legevakt er lagt ved saka.

Eigedomsskatt

Det pågår ny alminneleg taksering av alle eigedomar som skal oppdatere skattetakstar for utskriving av eigedomsskatt for 2020. Slik taksering vert gjennomført kvart tiande år. Det samla skattegrunnlaget er dermed ikkje heilt avklart og vert først endeleg i februar 2020.

I samsvar med endringar i eigedomsskattelova frå 2020 er det innført ein fast reduksjonsfaktor på 30% for alle bustad og fritidseigedomar. For nokon eigedomar vil taksten auke, og for andre vil den gå ned. I 2019 er promillesatsen 5,5. Makssats etter lova er sett ned til 5 promille i 2020 og til 4 promille frå 2021. Førebelse berekningar anslår ein promillesats på 3,2 for å oppretthalde inntektsnivået frå kommunal eigedomsskatt. Kommunestyret har høve til å justere promillen med nytt vedtak innan utskrivingsfristen 1.mars om dette vert naudsynt i forhold til budsjettet. Rådmann rår til å setje skattesatsen til 3,2 promille for 2020.